

TUSARNIAANEQ

Ummannami illunik B-19A-mik, B-19B-mik aamma B-19C-mik isaterinissaq pillugu



Tunuliagut

Ummannami illunik B-19A-mik, B19B-mik aamma B19C-mik isaterinissaq pillugu qinnuteqaammik Avannaata Kommunia tigusaqarnikuvoq. Matumani taarsiullugu quersuarmik/querititsiveqarfimmik, umiarsualivimmi siunertamut atasussamik sanaartornissaq kissaatigineqarpoq (nunap assingani inissisimaffik takuuk).

Qinnuteqaatigineqartoq qitiusoqarfimmi inissisimavoq, tamannalu isumaqarpoq, tassani taamaallaat ataatsimoorussatut siunertanut atuneq pisinnaasoq, tassaasinnaappullu aturfik, meeqqeriviit, kulturimut timersornermullu atortulersuutit aamma tamat siunertaat taakkununga assingusut. Tamatuma saniatigut immikkoortoq immikkut ittumik eriagineqartussatut toqqarneqarnikuvoq.

Ummannami qalerallinnik tunisisarnermi quersuit imaqqortussusiinik allisaasoqarnissaa pisariaqartinneqarmat, qinnuteqaat taanna tiguneqarsimavoq. Umiarsualivimmi piumi inissisimaffiusinnaasut amigaataanerart pisuttigalugu, umiarsualiviup nunaminertaata avataani quersualiorinissaq/querititsiveqarfiliornissaq kissaatigineqarpoq, nunap assingani takutinneqartuut. Qinnuteqaateqartup kissaatigaa, qerititsiveqarfik pingajuata affaanik portussuseqartunngorlugu sananeqassasoq, 7,5 m-isut portussuseqartumik, illorsuullu silataa qisunnik qaleriissitanik qallerneqassaaq. Qinnuteqaat akuerineqassappat, B-19A, B19B aamma B19C immikkoortorlu eqqaa, kiisalu immikkoortoq eriagineqartussaq, qitiusoqarfiusut atorunnaarsinneqassaaq taarsiullugulu umiarsualiveqarfittut siunertamut atugassiussutigineqassalluni.

Immikkoortup maannakkut atorneqarnera eriagineqarnissaa aallaavigalugit, saaffiginnissut una maannakkut tamanut tusarniaassutigineqarpoq, taamaallinilu innuttaasut soqutigisallillu allat, suliap tusarniaassutigineqarneranut akissuteqaateqarnissamat piarfissaqartinneqassallutik. Matuma kingorna Namminersorlutik Oqartussanut, Aningaasaqarnermut Akileraartarnermullu Naalakkersuisoqarfimmut, suliaq inaarutaasumik aalangiiffigisassanngorlugu nassiunneqassaaq.

Immikkoortumi illut ilusilersorneqartarnerat

Qitiusoqarfik tamakkerlugu, immikkoortut immikkut ittumik eriagineqartussatut toqqarneqarnikuvoq. Immikkoortumi inissisimapput ilaatigut, niuertoqarfearnerup nalaaniilli illut pisoqaanerpaat kiisalu oqaluffik katersugaasivillu. Tamatuma saniatigut immikkoortumiippat illut ujaqqanik issunillu qarmagaq 1920-ikkunni sananeqarsimasoq, oqaluffiup eqqaani


nunaminertamiittoq. Taakku illut pisoqqat aamma taakku nunallu eqqaaniittup ataatsimoorumik isikkuliinerat, immikkoortup illullu eriagisassatut toqqarneqarnikuunerannut toqqammavilliisuunikuupput. Naatsiaasivik (B-19A), illutut eriagisassatut toqqarneqarsimasoq sorsunersuup taamaatinneqarnerata kinguninngua sananeqarnikuvoq, tamatumunngalu Grønlandskommission-i illunik titartaasartunut piumasaqateqarnikuusimavoq, sumiiffinni illulioriaaseq inooriaaserlu atugaasut nalinginnaasuusut isiginiarneqassasut.

1948-ip kingorna illoqarfinnik ineriartortitsineq annertoq aallartinneqarpoq aalisarnermillu inuussutissarsiteqarneq aallartilluni. Naatsiaasivik, niuertoqarfimmi illut nutaangitsut kujataatungaanni inissisimavoq immikkoortullu illut assigiinngiaartut nutaangitsut saqqumilaartippai, tassanilu naatsiaasivik ippoq, ujarassuarnit qupisanik issunik akunnilersukkanik sananeqarsimalluni. Illup qangaanersooq illulioriaatsit atugaasimasoq takussusiiffigaa, tassungalu ilanngullugu illoqarfiup tunngavilerneqarneraniillu ulloq mannamut ineriartortitsinerup ingerlasimanera takussusiiffigalugu. Illulioriaatsip atorneqartup, illut ujaqqanik issunillu qammakat sinneruttut ilaat ataaseq aamma oqaluffiup eqqaani illut mikisunnguit sananeqarsimasut saqqumersippai.

Tusarniaaneq pillugu paasisutissat nalinginnaasut Tamanut tusarniaaneq sapaatit akunnerini pingasuni ingerlanneqassaaq, **ulloq 26.02.2018-imiit - 19.03.2018-imut**, piffissami tassani akerrillissutinik, oqaaseqaatinik siunnersuutinillu saqqummiussisinnaavutit. tusarniaanermit akissutit allakkatigut nassiussinnaavat, qarasaasiakkut allakkatigut uunga plan@avannaata.gl. Akissutit illit najukkanni Sullissivimmut aamma tunngiussinnaavat imaluunniit kommunimut nassiullugu.

Tusarniaanermit akerrillissutissaqassaguit imaluunniit oqaaseqaateqassaguit, taakku kingusinnerpaamik kommunimut tunniunneqassapput nassiunneqarlutillu ulloq **19.03.2018**.


Avannaata Kommunia
Pilersaarusionermit immikkoortortoq
Rådhuset
Postboks 1023
3952 Ilulissat
plan@avannaata.gl
Tlf.: 947655



Piiagassatut qinnutigineqartoq



Avannamut kimmut isikkivía



Uumannaq 1919